

3 VENVS VITRIOLATA, IN ELIXER
conuerſa; nec non Mars victorioſus, ſeu Elixerizatus,

Siue

MODVS CONFICIEN-
DI LAPIDEM PHILOSOPHI-

cum tam è Venere, ſiue Cupro, quam à Mar-
te, ſiue Chalybe.

Olim à

SAMVELE NORTONIO BRISTOL-
lenſi inchoatus:

Nunc verò

Editus ſtudiis, & diligentia

EDMVNDI DEANI ANGLI, MED. D. EBO-
racenſis Medici auctior, & perfectior.

Terentius.

NIL TAM DIFFICILE, QVIN QVÆ-
rendo inueſtigari poſſit.



FRANCOFURTI,

Typis Caſpari Rötelij, Impenſis Guilielmi Fitzeri,

Anno M. DC. XXX.



Illustrissimo Heror, ac Domino

D. THOMÆ VICECOMITI
WENTWORTH, D. SEV BARONI DE
Nouo Marisco, & Ouersleyo, &c. tam Consilij Regij in par-
te Angliæ Boreali, quam Caroli Regis magnæ Britanniæ,
Franciæ & Hiberniæ à secretioribus consiliis. Præsidi di-
gnissimo, omniq; virtutum genere clarissimo, Me-
cænati suo summo.

HONORATISSIME DOMINE.

NON idèò gestit animus Nortoniani huius opusculi
frontispicium insigni tui nominis splendore decora-
re, ac si timeret impiè ipsum Nortonum odiosis aliter
in tenebris delitescere: quem sanè ætas hæc nostra fa-
cilè prædicabit. Summam Bristollensium gloriam, &
artis Chymicæ maximum ornamentum. Is dum in vi-
uis commoratus est, honoranda illa Alchymix (quæ quondam suus
proauus) meditabatur studia; in quibus progressus quisq; leuior pel-
liciebat adèò studiosum viri animum, vt in quæ vix dùm ascendit ani-
mi nostri fides, ea ipsa in artis secretissima oculi illius penetrauit acies.
Verbis dici non potest, quantum viri animus patriæ consulens, & po-
steritati, in hoc (sicut in reliquis nunc à me editis) insudauit opere.
Quod licet posthumum iam sit, eoq; forsan infælix censerì possit
nomine; Patronum tamen nec sedulò quærit, nec feridè optat. Quor-
sum enim magni alicuius nominis Præsenturam pereret, nî quòd in-
gruentes ignominix, & calumniæ voces interciperet? Contra quas

omnes prouidus pater, & futurorum (vt videtur) præscius, id munivit scientiâ certâ, dum viuus, & gratâ sincérité legauit moriturus. Hæc cum apud me cogito, nec insolens fore credo, nec intempestiuum, opusculum hoc nobilissimo tuo dicare nomini: quod cum vindicatum sit oblattrantium rauri, nil aliud (me iudice) iam spirat, nisi sibi (quam & honori tuo præcabor indies) fœlicem æternitatem.

Honori, & Dignitati tue


Devotissimus

Edmundus Deane.

Tabula,

Tabula siue Ramus Arboris Philosophicæ de Elixere

Cupri seu Veneris



Venus.
Cuprum.
Leo viridis.

Quasi fuerunt multi viam Lapidis mineralis in Vitriolo, seu cupero-
sa viridi: Sed ignorantia prorsus decepti, discesserunt, illusi. Vitrio-
lum enim illud commune per reprehensionem dicitur à Philosophis
fatuorum Leo viridis. Sed nobilis ille Leo noster viridis ex metallico
cupri corpore originem sumpsit.

Quamquam enim ex vitriolo Romano oleum extrahi possit quo-
vis Balsamo, odore suavius: gustui delectabilius, si in Spir: vini è vi-
triolo calcinato, eius surripiatur tinctura; volunt tamen philosophi, &
præcipiunt, vt de metallica virtute illud constaret de quo facienda
est metallorum transmutatio; ideoque ex corporibus fieri docent,
non ex spiritibus, vt ex vitriolo, sulphure, arsenico, & his similibus.

Ideo scriptum invenimus in Turba Philosophorum, & in exer-
citatione prima: Lapis Philosophorum est materia metallica, conuer-
tens substantias & formas metallorum. Hanc autem conuersionem
non fieri, nisi per suum simile, iam dudum ab omnibus Philosophis est
conclamarum. Necessè est igitur, Lapidem Philosophorum ex metal-
lica materia gigni.]

Sed si ex spiritibus fieri posset, melius tamen foret, & multò ma-
gis philosophicè, ac metallicæ naturæ propinquiùs, ex corporibus,
quàm ex Spiritibus. Sed si per artem Spagyricam corpus in spiritum
verteretur sic, vt idem fieret & spiritus, & corpus, non esset dubitan-
dum, quin de tali corpore, vel spiritu Lapis fieri posset.

Concessum erit, quòd vitriolum tale sit corpus, quod testatur
Paracelsus in sua Aurora sub hoc ænigmate, & arcano veterum Philo-
sophorum.

*Visitabis Interiora Terræ, Rectificando Invenies Occultum Lapidem Ve-
ram Medicinam.*

Ex prima cuiusque verbi litera huius ænigmatis hoc colligitur
verbum, *Vitriolum*, de quo eorum intentio erat, vt ex eo Lapis, seu
Medicina fieret.

Si itaque in mineris, & interioribus terræ partibus inveniretur
effodiendo vitriolum cupri, de quo rectificando, vel purificando ex-
traxeris oleum rubeum, & terram foliatam pulchram, eorum vtrum-
que coniungendo, invenires occultum Lapidem, veram Medicinam.

Quod rectè fieri scires, si cuprum more debito in vitriolum con-
vertere

vertere noueres. Proculdubio enim vitriolum tali modo compositum, multò antecelleret vitriolum commune, Hungaricum, aut Romanum ex terra confectum; quia esset vitriolum corporale & metallicum: aliter enim corpora metallica cum eo transmutari nequirent. Quia ut inquit Philosophus, omne simile generat suum simile, ut Medicina, nempe metallica, metalla transmutaret.

Vistanda sunt itaque, inquit Paracelsus, interiora terrarum, non solummodò terra, quod vitriolum est, sed interiora terrarum, siuè vitrioli. Per interiora enim terrarum, eius dulcedinem, ac rubedinem intelligi voluit: quoniam in occulto talis vitrioli, subtilis, nobilis, & fragrantissimus eius succus, seu purum oleum latet.

In cuius productionis modo hæc cautela præcipuè notanda est: ut hæc cupri in vitriolum productio nulla fiat aut ignis calcinatione, aut materiæ distillatione, nè viriditate sua priuaretur.

De preparatione huius vitrioli nihil loquitur Paracelsus: per cuius taciturnitatem multi errauerunt. Illum itaque paulisper hic relinquere decreuimus, & propositum huius Rami ordinem ulterius prosequi. Quapropter cum metalli calcinatione incipimus. Notandum tamè est prius, quòd ista cupri calcinatio ideò fit, ut in vitriolum convertatur, non autem vitrioli ex cupro confecti.

Accipe ergo tot cupri libras in tenues laminas redacti, quot tibi placuerit, & dissolue in aqua corrosiua, donec tota materia dissoluta fuerit in aquam claram, ac viridem; quã ad digerendum repone trium, aut 4. dierum spatio, donec materia sit clarificata & digesta. Hæc euacua in Alembicum, & in calido fimi, vel balnei gradu abstrahatur aqua corrosiua, ita ut tota substantia remaneat sicca: tunc enim calcinatur.

Postea superfunde vnam lagenam aceti distillati super duas libras huius calcinatæ materiæ, beneque obturetur in vase vitreato, & collocetur in balneo ferè bulliente 7. dierum spatio. Quo infrigidato, reponatur in Alembicum, ad distillandum totum acetum ab ea in calido balnei gradu, & habebis in fundo Alembici vitriolum optimè coagulatum, Romano longè pulchrius.

Quod quidem vitriolum nos non dissoluimus in aqua pluuiali, Paracelsitarum more, sed potius dissoluendum erit in Aceto philosophorù, siuè in Aqua nostra calcinatiua, nempe Lacte virgineo mixto cum

Calcinatio
cupri.

Productio
vitrioli.

Solutio
vitrioli.

cum æquali quantitate aquæ corrosivæ, & post eius dissolutionem, & perfectam digestionem, nempe post 15. dierum spatium, illud in Alembicum reponimus, vt Aqua calcinatiua tollatur in balneo. Quæ abstracta, inuenies in fundo Alembici aquam quandam oleaginosa, viridem, perlucidam, & claram: quam postea reconfortandam esse diiudicamus cum spiritu vini superposito, & post quinque aut 7. dierum digestionem volumus, vt spiritus vini calore balnei distilletur. Sic enim reperies aquam viridem perfectè rectificatam, ab omni immunditie puram, subtilem, & spiritualem factam. Nam nisi prius benè soluat, & rarificetur, putrescere nolit. Stet itaque perfecta hæc vitrioli corporalis dissolutio loco alterius incoctæ, & crudæ præparationis Paracelsicæ.

Putrefactio. Sed vt iam dextras iungamus cum Paracelso in modo putrefactionis, ad illum redimus, & cum eo dicimus atque volumus, vt hæc aqua in calido Hypocausto digeratur, vitro benè clauso mensum aliquot spatio, ac tantisper, dum varij colores appareant, supremaque rubedo, quæ suæ putrefactionis terminum indicat. Nec dum isto processu rubedo satis fixa fuerit existimanda, quin ab interioribus accidentalibusque terræ sit inquinamenti repurganda latius ad hunc modum.

Resolutio. Resoluenda, vel rectificanda erit cum aceto distillato, quamdiu acetum coletetur, & postea filtrabitur calidum, donec terreum inquinamentum prorsus ablatum sit, fæcesque semotæ. Hæc est eius tinctura vera, & optima resolutio & rectificatio; de qua breui benedictum oleum est eliciendum.

Distillatio. Resoluta vel rectificata hæc tinctura in bociam ponatur, Alembico mox superposito, & in balnei gradu distilla acetum suauiter.

Separatio in Spiritum, Postea in lento cinerum calore eleua Spiritum lentè temperateque; & cum videris fumum in vitro ascendere, & per rostrum Alembici guttas rubeas descendere, scito, quod tunc rubeum incepit distillare oleum, & Anima. Distillationem, vel separationem continua, donec totum ascenderit. Quæ finita, istud habebis oleum in receptorio, à terra sua eleuatam, & separatam, Balsamo quouis pharmacopœlico & aromatico delectabilius, atque dulcius, ac redine carens omni.

Corpus. Quod quidem oleum Agni Sanguis appellatur. Aperi ergo cucurbitam,

tam, & in fundo inuenies terram quandam albissimam, nitentem, candentemque niuis instar. Hanc serua, tuereque ab omni puluere. Et sic possides Lapidis Corpus, seu Terram claram, ab Oleo suo, seu Spiritu, & Anima separatam.

Cursus terræ cum suo oleo coniunctio subsequitur, maximum arcanum, vtpotà matrimonium cœleste, Animæ summè purificatæ, & ablutæ per Agni sanguinem cum splendente, nitido, purificatoq; suo Corpore. Hoc est verū matrimonium supercœleste, quo vita prolongatur in diem postremum, destinatumque. Ad hunc igitur modum Anima, Spiritusque vitrioli (qui sanguis eius existunt) cum suo Corpore purificato copulantur, vt in æternum sint inseparabilia.

Quapropter excipe terram hanc nostram foliatam phiola vitrea, Coniunctio cui sensim æquale pondus sui olei affunde. Animam suam Corpus momentō recipiet, amplecteturque. Quandoquidem Corpus Animæ suæ desiderio plurimū afficitur, & Anima Corporis sui amplexu perfectissimè delectatur.

Sed vt in Lapidem conuertantur, coniunctas hasce materias po- Lapis. ne in arcanorum furnum, scilicet Athanor, 40. diebus. Quibus transactis, oleum habebis absolutissimum mirandæ perfectionis: quo Mercurius, & reliqua metalla imperfecta quævis vertuntur in aurum, sicut inquit Paracelsus (si ei credas) qui ad projectionem procedit cum Lapide sine fermentatione.

Lapide hoc modo peracto, vt ad eius fermentationem iam veniamus, sine qua impossibile est formam ei dare, non audemus contra totam Philosophorum turbam singulari vlli vnus dogmati adhærere, nec contra eos omnes soli assentiri Paracelso; quoniam omnes ex necessitate decreuerunt Lapidi formam esse dandam per fermentum, & quod Elixer non efficitur sine duorum corporum coniunctione, aut vniōne, nempe Lapidis ex imperfecto corpore facti, & fermenti ex perfecto; & in quantum Fermentum esset spiritualius, in tantum Lapis esset maioris penetrationis, & transmutationis.

Hiscē igitur præceptis edocti, aliis præcipere non æquum iudicamus, vt in fermentationis loco ad projectionem procederent, vel vt Lapis eo modo fermentaretur cum sole, siue auro corporali antea in-

Venus Vitriolata.

B altera-

alterato; quod erit fundamentū primæ projectionis. Nam Philosophi iubent, vt projectio prius habeatur de perfecto fundamento, & illud super corpora imperfecta proiciatur, vt fiant Medicinæ. Quid autem Lapidis, siue Elixeris fundamentum est perfectum, nisi solummodo aut album, aut rubeum fermentum? prius itaque fermentandus est Lapis in Elixer, antequam proiciatur super fundamentum corporale, nempe aurum.

fermentatio.
Elixer,

Volumus igitur, vt hoc oleum absolutum iungatur quartæ parti olei Luminis rubei, vt sic fiat eiusdem Lapidis fermentatio, & in Elixer conuersio.

Postea augmentetur in virtute per solutionem, & coagulationem; & in quantitate per projectionem, adprimè super Lumen, siue fundamentum, nempe aurum; postea super depuratum Mercurium; & ea Medicina super reliqua corpora (sicut docuimus in libro de Mercurio rediuuio) præsertim ea, quæ sunt magis projectioni idonea; id est, quæ maximè fusibilia sunt, vt plumbum, & stannum: quæ post eorum mundificationem sunt maximè projectioni procliuia propter facillimam suam liquefactionem.

Sic visa, visitata, & peruisitata sunt interiora terra, & rectificando inventus est occultus Lapis, vera Medicina ex Leone Philosophorum viridi, & non fatuorum; & ex vitriolo corporali & metallico, non ex terrestri & minerali cuperosa compositus.

C O R O L L A R I V M.


De purgatione, & depuratione Arg. viui in prænominato libro satis dictum fuit. Restat itaq; vt iam loquamur de depuratione plumbi, & stanni.

Funde igitur plumbum in crucibulo, & cum fusam videris, sic in igne stet per quartam vnius horæ partem. Tunc plumbo impone modicum salis armoniaci, cum quo paulisper stet in igne, plumbum cum virga ferrea aliquantulum agitando, donec Sal armoniacus in fumum transuerit, & grossities, quæ supernatant è crucibulo tollatur. Postea finito plumbum infrigidari, & erit album, sicut argentum.

Sic

Sic poteris purare, & depurare plumbum, siuè stannum tuum, antequàm proicies: quia nulla sunt alia corpora, siuè metalla, tam fusibilia, & projectioni idonea, sicut ista. Quamobrem vnum quodque Elixer prolicere oportet ad metalla facienda, seu transmutanda super Argent. viuum, aut super plumbum, vel stannum.

Arbor philosophica generalis seu universalis, indicans preparationes corporum tam perfectorum, quam imperfectorum.



TABVLA, SIVE RAMVS ARBORIS PHILOSOPHI-
ca de Elixere Martis, siue Chalybis.

Huic metallo Tabulam, siue Ramum per se ascribere minimè e-
rit necessarium, quoniam in Arbore ista vniuersali eius docetur Pra-
ctica. Quamobrem solummodò eius partes enarrare, vel potius re-
censere æquum iudicauimus. Vt igitur cum opere concordemus, sit
hic corporis processus, vt, dum de corporibus tractamus, huius Arbo-
ris scalam, siue gradus non frangamus, vt sequitur.

Mars.
Ferrum.

1. Calcinatio.
2. Solutio.
3. Separatio.
4. Coniunctio.
5. Putrefactio in sulphur.
6. Sulphuris præparatio in Lapidem.
7. Fermentatio Lapidis in Elixer.

Quia Mars inter omnes Planetas, siue corpora, maximè terrestres
existit, nulli erit dubium, quin citissimè ad corpus minimo cum labo-
re perduciqueat; & ideò in Sal facillimè conuertatur: quod per cal-
cinationem efficitur. Primo opere igitur eius conuersionem in Sal in-
dicare volumus.

Intelligendum est itaque, quòd dux istæ nobis surgunt conside-
rationes, nempe vt vno modo Mars calcinetur ad corpus, siue Sol: al-
tero, vt ferrum per calcinationem præparetur ad solutionem; de qui-
bus in operis principio agendum est.

Practica nihil differt: nam vtrum Martem calcinas siue ad sal, si-
ue ad menstruum, vna solummodò sufficit præparationis via; nempe
vt accipias ferri, siue chalybis benè limati, quantum volueris, quo in
æquali sulphuris pondere posito, in Bociam lapideam impone, & su-
perpone Alembicum ad sulphur sublimandum in cineribus, donec
totum sulphur sublimetur ab eo; & limatum, quod in fundo remanet,
si ad Corpus conuertendum erit, in aqua Regia dissoluatur, & in Sal
conuertetur. Pro cuius purgatione, si acetum distillatum superfude-
ris, & iterum detraxeris, nouum acetum repetendo ter, & detrahen-
do, sal habebis flauum, siue rubeum in fundo; quod tum sit tuum Cor-

Calcinatio
ad Sal. 1.

Venus Vitriolata.

B 3 pus,

pns, & Sal perfectum, vt postea Animæ suæ, & Spiritui coniungatur. Istud seruabis sal in cinerum caliditate, donec tempus venerit operandi cum eo.

Calcinatio
pro solutio-
ne.

Nunc ad Practicam Martis pro solutione veniamus: Accipe igitur limaturæ chalybis, siuè ferri, quantū tibi placuerit, & pone in concham plumbarij ferream & ceto prius impletam; quæ in ignis flamma fervetur per tres horas. Tunc concham cum ferro abstrahæ, & infrigidari finito, ac opus reitera 4. vel 5. vicibus. Tum cum sulphure calcinamore prædicto.

Solutio, 2.

Quod cum calcinatum videris, repone ad soluendum in Aquæ nostræ calcinatiæ duplici proportionem (nempe Aceti Philosophorū acerrimi, mixti cum æquali parte aquæ corrosivæ) & stet, donec illa Aqua soluerit in frigiditate, quantum potuerit, & sibilare desuerit. Quo facto, vas solutionis collocetur in cineribus calidis, & ibi stet 4. vel 5. dierum spatio. Tunc cola Aquam, & desicca illud, quod erit insolubile, & iterum calcina, & solue; & cum dissolutum videris, ita vt Aqua in rubeum tingatur colorem, euacua, quod tinctum videris, in Cucurbitam, & serua, donec solueris tantum ferri calcinati, quantum tibi placuerit. Accipe tum omnes Solutiones, & per Alembicum abstrahæ Aquam solutiuam in balneo bulliente. Materiæ in fundo remanenti adde acetum distillatum, & super eam stet in balneo calido, & feruente 7. dierum spatio. Iterum remoue vitrum è balneo, & filtra solutionem, & iterum abstrahæ acetum in balneo, & in fundo grossum Chalybis, siuè ferri oleum remanebit. Sed si non satis solutum fuerit ad arbitrium tuum, reitera solutionem in aqua Raymundi calcinatiæ, quam tibi prius reuelauimus in libro de Tinctura Physica, & Alchymica. Melius quoque foret, si solutio ista postea reconfortaretur cum aqua vitæ, seu spiritu vini superposito, & postea abstracto ab ea in balneo; & sic solutum habes ferrum in liquore.

Separatio 3.

Quamobrem ad distillationem nunc propera, vt fiat seperatio; & in Bocia lapidea distilla cū igne forti, augendo eius gradum, quantum possis, & recipe oleum, siuè Animam, tincturam Martis rubeam per rostrum Alembici à fœcibus derelictis separatam. Quod quidem oleum est permanētissima tinctura pro opere rubeo ad tingendū sulphura, vel ad exaltationem omnium Elixerum in colore: nam ea altius tingere, & colorare illa facit.

Tin-

Tincturâ sic præparatâ, coniunctioni intende, & operare cum sale, quod antea referuari iussimus. Accipe igitur tres, vel 4. eiusdem vncias, & æqualem Animæ suæ proportionem ei dato. Et sic Corpus, Spiritum, & Animam coniunxisti. Notandū enim est, quòd Lapis omnis albus ex Corpore, & Spiritu metalli imperfecti fit tantum; sed rubeus insuper Animam his additam habet, in oleo rubeo contentam, in quo Spiritus etiam occultè later.

Iam Ouum tuum vitreum benè sigilla, & pone hanc materiam coniunctam in balneo ad putrefaciendum, & ibi serua, donec per 150. dies in eo steterit putrescens, & in varios colores transiens, vsque ad albedinem: nam tam fit sulphur naturæ. Tunc remoue vitreum, & in cineribus colloca, & ibi maiori ignis gradu calefacito sulphur tuum album, & rubifica vsque ad rubedinem.

Postea solue sulphur tuum rubeum cum propria Anima, siuè tincturâ, & iterum solue, & fixa, soluendo in balneo, & fixando sub igne in fixatorio. Et sic præparasti Sulphur in Lapidem, vt fermentetur.

Fermentatio est, sicut prius diximus, cum resoluti Solis Sulphuris oleo, siuè fermento rubeo in quarta proportionem ad hanc Medicinam, seu Lapidem, vt per eius additionem fiat Elixer, omnia alia corpora imperfecta transmutans in aurum.

Multiplicatio eius, augmentatio, siuè exaltatio in virtute, qualitate, siuè bonitate fit hoc modo. Vt igitur huius Elixeris virtus vnoquoque tempore magis crescat, cum Anima sua, siuè tinctura dissoluatur, & ea postea abstrahatur, & iterum desiccetur: nam toties dissoluedum, & desiccandum est, donec amplius desiccari nolit, sed maneat in oleo incombustibili. Tunc enim est Elixer tertij ordinis. Et sic Elixer multiplicatur in virtute.

Multiplicatio in quantitate fit, sicut hic sequitur. Accipe partem vnâ huius Elixeris in virtute sic multiplicati, & prouiciatur super 100. vel 1000. partes (secundum virtutem tui Elixeris) auri purificati, & fusi; & aurum conuerteretur in massam frangibilem, & puluerizabilem. Quæ massa bene puluerizetur in mortario ferreo, vel æneo, siue super lapidem marmoreum. Tunc proice huius pulueris pondus vnum super partes 100. Arg. viui, purgati, abluti, & ad ignem feruentis, & totum erit

Coniunctio. 4.

Putrefactio in sulphur. 5.

Sulphuris præparatio in Lapidem. 6.

Fermentatio Lapidis in Elixer. 7.

Multiplicatio in virtute.

Multiplicatio in quantitate.

erit Medicina. Deinde proiice partem vnā Medicinæ istius congelatæ super partes 100. Arg. viui præparati, vt prius, & fiet totum Medicina. Cuius pars vna conuertet partes 100. vel 1000. aliorum metallorum in aurum purum. Et hoc modò Elixer etiam multiplicatur in quantitate.

C O R O L L A R I V M.

Nota hîc, quòd Martis Elixer omnia alia Elixera excellit. Magis enim rubificat, altiùs tingit, & corpori humano magis prodest. Nam spleni maximè conducit, ventrem constringit, vulnera sanat, ossium fracturas conglutinat, grauissimum mensium fluxum siuè album, siuè rubeum sistit, & generaliter omnes superfluos fluxus cohibet.

F I N I S.